



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1525. usque ad annum 1529

**Fleury, Claude**

**August. Vind. [u.a.], 1769**

**VD18 90118480**

§. 98. Matthæus jussu Provincialis carceri inclusus.

---

[urn:nbn:de:hbz:466:1-66472](https://nbn-resolving.org/urn:nbn:de:hbz:466:1-66472)

Sæcul. XVI. A.C. 1526. positi sui executionem excitabat, simulque hujus concessionis diploma eidem tradere pollicitus, eum dimittebat.

Ast Matthæus nequidem expectato hoc diplomate ad prædicandum Dei Verbum sese accinxit, Marchiamque Anconitanam peragravit. Huic sese adjunxit quidam Eremita Franciscus nomine, cujus exemplum brevi plures alii sequebantur, qui eidem instituto nomen dederunt, illos tamen Fratres Minores de *Observantia* gravibus omnino injuriis laceſſebant, eoquod non modo acuminosum illud caputium, sed etiam novum vitæ genus tolerare haud possent.

§. XCVIII.

*Matthæus jussu Provincialis carceri inclusus.*

Nihilominus F. Matthæus generalia Ordinis comitia accessit: verum jussu Joannis de Fano Provincialis captus carceri includitur, mox tamen Camerinenſis Ducissa rem edocta, literas ad Provinciale dedit, acerrime comminata, ni subito F. Matthæum liberum dimitteret, se ad summum Pontificem hac de re suas delaturam querelas, interim sciret, se Clementis VII. Neptim esse. Nec his contenta Camerinenſis Conventus Præpositum, seu Guardianum,

*Marc. Ulisson. Hist. Seraphica.*

num, qui cum Provinciali conspirabat, Sæcul. XVI.  
A.C. 1526.  
 adesse jussit, eidemque tantum inculsit  
 timorem, ut ambo Fratrem Matthæum  
 libertati restituerent. Hic nulla mora  
 Camerinum contendit, non tam ut Be-  
 nefactrici suæ grates rependeret, quam  
 ut Provincialis culpam excusaret, plu-  
 ribus recensens beneficia, quibus ab  
 eo esset affectus. Cum vero Ducissa  
 Matthæum veste a Minoritarum habitu  
 longe diversa, ac ubique laciniis con-  
 ferta indutum, nec non acuminoso ca-  
 putio tectum cerneret, rei novitatem  
 admirata illius causam sciscitabatur;  
 Matthæus hujus mutationis rationem  
 exponens: „Cœlesti admonitu, inque-  
 „bat, rem aggressus sum, accessit quo-  
 „que summi Pontificis concessio, non  
 „equidem, ut vel Ordinem meum ad  
 „severiores disciplinam revocem, vel  
 „novam Congregationem erigam; ad  
 „neutrum enim me Deus selegit, sed  
 „unice, ut sub hoc habitu Regulam in  
 „omni perfectione observem. „ Ad-  
 hortabatur Matthæum Ducissa ad tam  
 pii operis executionem, pollicita, se  
 eidem patrocinio, juxta ac bonis suis  
 præsto futuram.